

有正味齋詩集

有正味齋詩集卷七目錄

錢塘 吳錫麒 聖徵

暫假集

樓桑村

南宮訪沈梅村酒間話舊四十韻

光武廟

宿遷見桃花盛開二首

上巳日過秦郵作

白晝眉汪雪礪亦索賦

揚州春遊絕句五首

渡江

過毘陵訪趙味辛舍人偕遊坡公臧舟亭并訪洗硯池

遺蹟得詩三首

無錫舟中望慧山

姑蘇晚泊

虎邱三首

舟晚望石湖諸山

泛舟入南湖行支港中頗極幽趣

石門舟中

抵舍後作

登吳山

刺菱六韻

竹素園觀鶴同黃相圃河春渚姚春漪項連峯徐也陶

倪小迂分韻得七字

項秋子

塘

招集半舫喜雨分韻得迎字

晚泊蘆港

松江待潮

泖湖曲二首

憶張花農

寶銘

舟過嘉興方筠亭同年

林

畱都齋與舍弟

錫麟

夜話

述五百言

幻居菴觀華嚴墨海歌

并序

立秋日在嘉興泛舟遊東塔寺寺爲朱買臣故宅其墓
在焉主僧出觀元雪菴和尚書八大人覺經墨蹟遂
飯於松月堂午後微雨掉舟入南湖登烟雨樓與諸
同年讌集得五首

曉過烏戍值雨

觀采菱

新申道中

庭桂始得消息

中秋作

翁家山道中

滿覺壠觀桂

法相寺

畱餘山居

酬黃含山道士鶴見訪不值

秋江獨釣圖

立冬前一日項秋子招同胡葑塘清何春潛奚鐵生同

孫半峯

晉寧

曹雲集

光緒

項蓮峯魏春松

成憲

集壽

花軒餞余還京師卽席分韻

湖州西林村祖居感賦二首

泊白蓮寺黃葉下

松江訪汪秋白

大經

時已之錢塘畱詩志別

吳松道中二首

舟至吳閶值沈南雷儀曹

世煒

靈樞還南慰問諸孤立

然賦此

遊攝山棲霞寺

題管平原柳塘漁隱圖

舟發邗上二里許河路擠塞遂起岸至邵伯埭買蘆篷

船而行

魚溝大風

嶧陽值霰頗有雪意

旅述八首

晚至趙北口宿

有正味齋詩集卷七

錢塘 吳錫麒 聖徵

暫假集

樓桑村

寂寂樓桑黯落矐迢迢古徑洹寒雲至今草木通靈氣終古英雄屬使君羽葆神風歸萬里草廬天意識三分臣家八百成都樹只少荒村後世聞

南宮訪沈梅村酒間話舊四十韻

風雪心寥落江湖影滯迷紆塗經冀北訪友又天西往跡徒鴻爪浮生信馬蹄十年同閱歷片席賴提撕救水貧爲樂文章醜莫詆和將長句報評待短行批出手廬先得追塵蹇後躋計偕三月近行李一夫齋偶雨遭逢異因之出處睽先生猶玉質賤

子愧金閨驥歇梧桐淚巢移燕子泥美材煩製錦小縣聽鳴鼙

強項交推令傷心半憫黎醇風馴魯雉險訟洞溫犀庭喜凶鴟

化閑無害馬稽君能抒抱負我乃困羈棲送鬼船空結箋愁筆

懶提望雲勞日下放假趁冰斯舊雨懷殊戀官衙手重携似逢

千里雁失笑兩頭抵陶令兒爭栗中郎女待笄君女許字余第四子知心稱

鮑叔肅拜及菰妻螳釀床頭發豚蹄竈下卦通明燒蠟燭倉卒

辦菹醢飲入枯腸窄談將落月低故人半猿鶴新家幾棠梨竹城

鶴林相繼祖謝魂斷三生石身償百寶齋遺孤來遠道竹城子今依梅村署中盡室只

空甑了了消春夢勞勞憫夏畦虛名爭草木冷眼覷鳬鷺田水

尋歸計雲山問故蹊時以歸田約見示漁船通北郭茅屋卜西溪密課千

頭橘添修十具翠挂墻鉏笋饌靠戶采桑梯茶沸吟饑蚓炊香

報午雞仍應作鄰舍豈要戀簪圭約待他時踐襟和別淚題此

行將種漆洵美復歸蕙人誚棲棲者余懷渺渺兮前村何處宿
一路鷓鴣啼

光武廟

莽莽神旗外溘沍落日寒冰澌流古渡麥飯供祠官雷雨昆陽
陣星辰上將壇千秋精魄在龍氣夜深蟠

宿遷見桃花盛開二首

塔隱頽陽樹隱霞征車輾轆路三义春風作意矜顏色寫出吾
家餅樣花

吳公器有畫餅桃花法

司家橋口錦成圍可惜花時我未歸便到落花歸亦好孩兒螳
長鰕魚肥

上巳日過秦郵作

綠楊如畫絮成團山影中間野望寬芳草天涯三日禊桃花春

雨一湖寒佳人臨水前衣早名士登臺屬句難廿六湖邊重回首
夜珠湧出水晶盤

白晝眉汪雪疆齋索賦

絕無螺子描成樣宛似蛾兒蛻出姿竹密嚴灘看雪早絮迷隋苑出風遲繡塵自愧輕沾後清鏡相思淡埽時放汝若乘明月去春山叫遍有誰知

揚州春遊絕句二首

十年重覓玉人簫九曲關前一舫搖花底燈船花上月泥人光景是紅橋

衣香人影動相思司李揚州絕句詩莫向明湖賦秋柳人生最好治春時

渡江

東風分與一帆春
照影俄驚老大身
瓜步十年衝雪路
楊花三月渡江人
魚龍煙水看逾濶
金碧雲山畫轉新
欲問真源消息近
乘濤直上卽崑崙

過毘陵訪趙味辛舍人偕遊坡公艤舟亭并訪洗硯池
遺蹟得詩二首

東坡飛仙人
萬里弄雲碧
毘陵幾時歸
一葉落蹤跡
此舟本不繫
此亭猶是昔
花香草亦香
水白鷗更白
我來訪我友
亦作卽帆客
思公六百年
去夢無咫尺

蛟螭隱深黑
墨沼光蕩搖
往時洗硯處
風草吹蕭蕭
人知真硯佳
我信真手超
湛然胸中水
凝此綠一瓢
淵源駕學海
浩蕩通靈潮
天空夜星出
奎光望迢迢
偶然泥爪託
卽可吟魂招
望望紗縠行
依依顧塘橋

無錫舟中望慧山

墜空一磬圓梵徑白雲斷微露松翠高塔影表其半烟消樵客
起日上棲鳥散九龍若迎人扁舟隔沙岸

姑蘇晚泊

吳語飛來耳畔徐晚春時節到姑胥漁夫約我夜同夢津吏笑
人船載書酒幔茶檣花落後蓬聲燈暈雨來初清鐘一杵今宵
聽幾箇寒山憶舊廬

虎邱三首

虎氣消沉鶴市荒東風容易客迴腸真娘墓上年年柳畫了春
愁畫夕陽

水閣家家風幔開畫闌曲折粉塘迴冶香輕似落花過快櫓瞥
如飛燕來

看紅看白數花枝傳唱朱翁樂府詞一半櫻桃一半笋送春天
竹垞翁虎邱樂兒樂府
氣不多時一半兒櫻桃一半兒笋

舟晚望石湖諸山

嵐翠望在東牒子坐于西塔前鐘出寺橋外桑接畦不見幽人
樓但聞幽鳥啼何年石湖月重照石湖題

泛舟入南湖行支港中頗極幽趣

穿橋小艇疾于梭明滅烟光潑眼過雙竹罨泥和蜺上一繩界
水種菱多幽禽夕照黃筌畫浣女春風白紵歌甫里卜居應最
近早來此地話烟波

石門舟中

送客風來帆影輕養蠶天好十分晴蘆三尺裏通蛙語桑萬葉
中聞翦聲沽酒雙橋逢市晚撈蝦斷堰有船橫多情偏是青青

草直接姑蘇一路生

抵舍後作

昨歌遊子吟今喜遊子歸陋巷滿芳草蝴蝶團團飛鶯花過三月似昔離鄉時但看門前柳長大今幾圍入門感衰落居有他人移我居極西偏老圃荒不治投家不相識欲進翻遲疑家人出窺客畧能識容儀十載望雲心不暇語其私上堂拜父母慚愧祿養違陽和動聲歎被我皆春暉謂我在京華一日不再炊劇憐瘦腰領顧見長鬚髭虛名誤南北笑彼斗與箕安得十畝秫釀作春酒醺花香鳥更鳴壽親黃金卮宛宛弟妹行同是羊車嬉至今長兒女亦復能效之樹木有本根各自榮其枝嗚呼祖母王塵篋封遺詩我未視飯含慟哭嗟已遲西風一抔土先尅窀穸期悲歡各異事理之如亂絲悔此識字身不能把鋤犁

頗憶總角日展墓于苕溪百里溯烟水數椽見茅茨自我高曾
前耕讀恒於斯松楸去不遠孫子猶來棲殷勤雞黍約舉動相
提攜東鄰看打稻西舍聞鳴機所託在畎畝厥習安塗泥是時
身尚孩健若黃犢馳風雨荷蓑笠寧知病夏畦多收十斛麥此
願未是癡誰令蕉鹿夢轉輾軒冕迷錦學官樣製竽諧時耳吹
日在悔客中不知受弔戰光陰幾寒暑急箭何由追同時六七
輩每觸黃墟悲亦有泰山雲布澤翔天遠只我曲轅櫟荷免斤
斧施方茲戢倦羽將求力東菑下濕旣莫營上腴又安希茫茫
江水誓豈甘食言肥魚慕江湖樂雁思稻粱依負米倘可能百
里吾何疲

登吳山

第一峰頭賦大觀攬身如鷲向空盤人烟白護千家曉竹雨青

浮四月寒鸞鶴清聲隨笛起江湖豪氣盪胸寬少年十廟嬉遊處點筆重教到石欄

刺菱六韻

菱童墮笑語來往踏波忙薄采翠尖出厥包荷葉香賣從湖面賤堆向雪葵涼嫩白憐新剝微甜足淺嘗風前移短筏酒外趁斜陽多少青腰種花開正滿塘

竹素園觀鶴同黃相圃何春渚姚春漪項蓮峰徐也陶倪小迂分韻得七字

塵埃久辱神仙質照水修翎思一櫛露華洗竹夢初歸萬里風烟氣高逸揚州富估騎不去十萬腰纏致何術南飛曲罷腰笛迎昨夜騰騫失其匹相思篆寫青苔斑似答上天聲一一詩人苦吟偏類爾獨坐涼堂搖病膝鍊形空涉紫霞想自出深山少

芝朮鶴田有券吾肯書置汝寮中客其七

項秋子招集半舫喜雨分韻得迎字

翠色若苔積密陰梅夏清琴尊會齋舫搖蕩烟波情催詩例有
雨天亦厭久晴高閣尚斜陽隔林雲自生微涼動空際梧竹交
相聲置身匪江湖宛聽蓬滴瀾漫插秧水行起耕夫耕持觴
相慰藉快作天瓢傾客既舉禮法主可忘送迎燭滅草蟲歇霽
月來三更

晚泊蘆港

野水欲生雨響曳蘆之漪蘸涼鷺忽明涉淺帆屢移夕景墮烟
際蘼碧風交吹微聞菱歌起言就漁父炊晚蟬自爲語浩蕩秋
在枝清我煩暑襟未遠空谷期蘿月懷窈窕絃指遙相思尊酒
慰今夕天水同渺瀰

松江待潮

以身入雲水一席爭蕉風沿洄及中流潮落江烟空篙師就蘆
飯涼葉捎低篷斜景鷗外沒雨氣松間濃滄洲趣可悅利涉心
亦同簞香緬菱曲投暝聞僧鐘鐘聲渡水去我尚羈遊蹤飽此
看山眼九朵青芙蓉

柳湖曲二首

白牛塘外水交流占得鷗鄉一段秋上柳佳郎中柳妾江湖那
得不回頭

蘆子渡頭灣復灣女兒鏡裏照朱顏多情妬殺門前水倒落青
山九髻鬟

憶張花農

寶銘

柴門流水間鷗跡紛無數晚潮人不來烟沒澱山樹

舟過嘉興方筠亭同年林留宿郡齋與舍弟錫麟夜話
述五百言

皓鶴志高潔長身苦饑癯元蟬爾何悲調急風露餘幽情誰不
諒閱歷始知迂子也凌雲質所守仍鬼株年紅蓮幕祗爲貧
所驅我友二千石讀律兼讀書要令甘棠樹種滿鴛鴦湖謂我
弟也才喬木聲相呼投膠有深契性合情不踈令余京華夢時
欲來三吳西風吹雁爪一夕蹤跡俱我歸拜高堂子亦返故廬
殘書歷行李入門苦踟躕囊無一金積甕無一斗儲猶言飲水
樂同室相暖姝書生太拙計路鬼先押掄勞生置局上賭擲如
樗蒲但知繞床叫安問雉與盧帆檣子行駕僕夫我亦趨冠蓋
觸炎暑行行六月初江山笑張翰辛苦求菰鱸長水子所館約
我停青爐翩然謀食鳥來作同隊魚主人賢太守投刺逆半途

官齋樹陰下涼入清酒壺行鞭笞新截踏泥藕可菹醉余楊子
楊夜雨生菱蘆睡起翦燈話宛在家鄉居閱歷事不同過之風
吹竿憶子壬寅夏視余於京都梧桐新月間爲寫移居圖謂將
數晨夕乃復託妻孥戢戢糧艘發一母將衆雛子也送歸去我
留形影孤士窮拙生計後悔日已晡頻年困渴病藥裏空撐扶
那能霜雪裏不使楊柳枯白雲在何方青山良起予卽今幸合
并未可言歡娛徒思秦人炙誰秣瓊山芻我官固自冷子瘠何
時腴富人或千畝我志營一區有田倘可歸與子同把鋤須知
蓑笠身好在文采無種秫得數石甕頭酒新斲壽親無算爵侑
以園中蔬詩人白華養豈在牲鼎臚大槐寄寤想孤心墮烟蕪
雞鳴余欲去泛泛一幅蒲西湖三十里待我白芙蕖

幻居菴觀華嚴墨海歌

并序

幻居菴在嘉興城東中峰和尚道場也所藏大方廣佛華嚴經乃明末青鎮寶閣僧道琳祖芳乞蘇松嘉湖四郡名流所書始于萬歷壬子迄于崇禎壬午書成函于閣題曰華嚴墨海後歸于幻居庵經凡十六帙八十一卷帙首皆趙宦光篆書每卷書者一人各署名內釋子一人女弟子一人惟三十六卷閱志孝薛明益二人同書第四十九卷缺國朝曹三才補寫第六十九卷不署名第七卷後又有對者二人共八十三人乾隆乙巳六月余寓嘉興郡齋曹種梅秉鈞家少陞取邀余過遊寺僧出觀云舊有董文敏所書金剛經及金字法華經今已不存矣因請題詩乃作長歌紀之

茶烟乍歇青豆房沙彌捧經立我傍爲留半日貪禪誦相對一爐焚妙香大方廣佛無邊力特許人間種功德迎眸先放大光

明合掌如泰善知識乞書聞自僧道琳八十三家同發心西風

吹冷青鎮閣此地替作優曇林佛菩薩語天龍守姓氏分題別

誰某同時證果有方袍一笑散花煩女手蘇松嘉湖各擅場題

名獨我身生杭法雲憶訪金書秘西湖慧因院有宋元祐間高隱所進金字華嚴經秋雨曾探

貝葉藏貝葉經藏經隱借秋閑豈意飛身投墨海真見華嚴樓閣在化城廣大

量慈悲苦語纏綿心懺悔娑婆世界衆生同慧業須歸兜率宮

般若證來彈指覺落叉算到寫經功漏痕釵股看都似筆力堅

強能透紙臨池聲價賤鵝羣舒指神通化獅子五載辛勤集勝

流光陰白盡阿師頭簽題肯讓凡夫健豪奪寧容元宰留珍藏

也比蘭亭襖完缺巡環難預計下火茶毘一个僧補亡圓滿三

千偈笑我奔波似善財草鞋踏破此間來濃陰頂覆杪櫺密清

氣瓶催齒苔開伊蒲消受今朝餽茶券何年酬後訪潮音夢醒

中峰堂電影愁飄金粟藏不須羊火問禪機饒舌豐干去不歸
一霎觀河驚面皺曬經臺上立斜暉

立秋日在嘉興泛舟遊東塔寺寺爲朱買臣故宅其墓
在焉主僧出觀元雪菴和尚書八大人覺經墨蹟遂飯
於松月堂午後微雨掉舟入南湖登烟雨樓與諸同年
讌集得詩五首

水鄉息車馬來往一葉舟空波滿菱花露氣晴不收涼風吹我
衣樹樹蟬已秋鐘聲寺門內邀我輟棹遊雲端禮紺塔鈴語無
時休自梁隋以來老僧幾白頭林蘿閱歲月去去如川流悟此
壞住因感彼希榮儔

高壠荒草長樵歌忽然起壠中千載人無語夕陽裏豐碑繡苔
篆云是漢長史五十始發軔富貴亦幸矣老屋未就荒松桂有

餘美曷不早乞身仍從負薪子

花木若窺人竹外一門豁延覽石壁鏤宛似稿新脫雪庵所書
經筆法妙鈎撥更乞墨妙觀字字龍象活具此大覺慈卽佛卽
菩薩吾輩文字禪流連慰饑渴沙彌爲煮茶松卯數丸掇

舟子俟前渡沂波行我船彎環一橋八偶逢人采蓮湖光雜飛
雨吹入花中烟鴛鴦不見來一湖清可憐倒影落樓閣涼動菰
蘆邊誰爲釣鰲客佇望蓬萊仙樓下卽釣鰲樓權歌去樓下水繪當樓前
百里更無山雲翠峰在天

十年宦長安面與故人隔鷗波若爲期忽忽聚蹤跡值此饑夏
筵會我同心客百罰我不辭荷筍注深碧黃雀味縱遲紫蠅臍
可擘欲寫胸中秋凭欄高百尺雨來烟自深雨歇烟更白冷然
清醉魂洗月出涼夕

曉過烏戍值雨

石門水涸不可渡王家涇口通船路片帆長水試樵風和雨吹
人到烏戍水天曉色辨不能一湖菱葉濛濛霧人家開門較客
早婦汲童樵各持具笑余行李濕淋淋猶向龍公乞甘澍稻苗
剌剌青欲齊昨日還防旱魃妬中流耳聽篷滴鳴矯若胥濤起
沉痾橫港舟撐濕網來隔烟人叱耕牛去田歌歡樂勝漁歌中
有豐年太平句困魚升水易爲德但得及時良禾誤平生苦逐
車馬跡得意且圖蓑笠趣西溪山水勝更多買田終擬移家住
兒能荷鋤年長大女能繅麻了公賦老夫賞雨不出門茅屋尊
開坐秋樹

觀采菱

菱女蒨香髻菱童鴨荷舟菱歌何處唱菱葉可憐秋斜照共人

遠碧雲如水流西風容易晚涼殺幾沙鷗

新市道中

撈蝦渡口水風涼菱角纔肥酒味長醉我不知秋色早亂蟬聲
裏過斜陽

庭桂始得消息

意外與香遇浩然清露時空林動涼氣風嫋青青枝亭亭丹白
想十載吾爾期美人在秋水招以離騷詞杯中有紫霞相與斟
酌之微聞落子聲明月來何遲

中秋作

纖雲淨埽碧天寬秋氣橫生白露寒昨日花先高閣放今年月
在故園看瓊樓玉宇虛空接銀燭清尊老幼團酒侶長安應不
少幾人念我起憑欄

翁家山道中

宿雲擁萬峰涼翠開一面泉鳴風忽生秋老葉微變稍披衆露
入陡挾羣峭見嵐光注新姿旭影表空清茅茨聚已多樹藝計
良美土沃茶薺肥山深松栝賤習忘材語墮行熟樵步便一諷
招隱詩林澗動遺眷

滿覺壠觀桂

尋花花尚香已有香行空迢迢轉曲塢歷歷披幽叢偃蹇鬱枝
幹窅窅辨形容潛受冷露滋屢譟斜陽烘傾耳鏗欲霞逆鼻紛
從風輪囷四山遍散越諸天濃平生隱淪慕託跡巖壑同存想
綠髓換鍊景金房通煙霧暖前路鸞鶴翩相從

法相寺

絕流度崇岡躡草越危磴冥破松光寒一杵透金磬巡簷鶴聽

講倚樹僧入定久託招提遊願識涅槃證亮無實相存安用遺
蛻騰妄念俗見迷道心吾力勝彈指去來今頌佛母乃佞

留餘山居

問訊入山深廬荒僻雲宿森峭石易奇參複畫難讀飄空流軟
翠裂隙走驚瀑颯然風雨交秋氣飛滿屋餘霏潤松篁繁響合
琴筑濯纓細清襟洗垢延遠日娟娟陵茗榮綬綬巖桂馥行趁
倦羽歸頽陽澹林麓

酬黃含山道士

鶴見訪不值

落日返柴門青苔認履痕適來霞外鶴未欸竹間言野菊如人
瘦涼潮入句奔如聞采芝去長歎倚雲根

時以觀潮歌留示

秋江獨釣圖

雲樹辨西興漁歌正江北過江明月來一船較秋色

立冬前一日項秋子招同胡葑塘滿何春渚奚鐵生剛

孫牛峰音學曹雲巢光緒項蓮峰魏春松成憲集壽花

軒餞余還京師卽席分韻

餞秋復餞客客愁秋共深庭闔滿落葉浩歌遊子吟我吟未終
曲涼風振繁音美人含窈窕餘芳鬱蘭襟離觴傾向夕情密無
踈斟別茲道路長復念霜雪侵欣戚各殊致永懷在苔岑閒雲
偶然出時有還山心天空急哀雁月落停凄礎感我西笑客羨
彼南飛禽

湖州西林村祖居感賦二首

倚簾錢塘百載過白雲迢遞隔烟波田荒丙舍經營缺戶長丁
男慰藉多笑涕萬端時屢換詩書兩字教無他數椽老屋西林
在明月猶來照薜蘿

祖父艱難孫子易人言陰德昇于今如天覆庇真無量令我科
名愧此心遺素挂牆苔色繡佩刀藏篋寶光沉承先貽勉愁無
及四十頭顱雪已侵

泊白蓮寺黃葉下

晚鐘雲際墮微茫黃葉林深繫野航寺外一灣明古水風前幾
樹賽斜陽遙空忽聽雁移幘昨夜始知天雨霜甚欲題詩舊遊
處白鷗相見怕淒涼

松江訪汪秋白

大經

時已之錢塘留詩志別

話別尋君君已行片帆聞到武林城故人去後楓初落明月低
時潮未生百畝稻田酬此願一言江水荏苒盟船船鰕菜西風
裏歸夢先來約耦耕

吳淞道中二首

重到吳淞路清霜十月中蟹消諸斷火蘆掩萬梢風柳色不如
接山眉畫最工夕陽容易落微剩柏林紅
一棹暮煙裏臨流拓水窗雁程看乙字帆
幾數申江沽酒穿沙
市炊鱸就釣艘此間能夢穩只有白鷗雙

舟至吳閶值沈南雷儀曹

世焯

靈松還南慰問諸孤泣

然賦此

哭君燕市日已是一年期素旒來天外征人尚水湄死生同夢
幼風雨集悲思剖却青銅鏡重泉有合時

時夫人公繼逝
臨亦能端

黯黯平生意依依酒次言此杯常在手無路可招魂蓬者生如
寄諸孤澤所存舉亭堪下葬他日醉松根

遊攝山棲霞寺

亂山如合圍一峰繖而立夕陽明滅間踏影步步入林霏蒸宿

潤磬響墮空濕過橋僧候門合十答我揖導我上危磴一轉三百級苔荒捨宅文捫久讀之逕遐思明隱君高躅容企及把君竹如意荷我笋皮笠

飛閣凌雲端攬身上復上鳥道踰百盤力借一枝杖山中日未落江上潮初長冷然御天風萬物觀浩蕩六朝興廢跡人烟雜榛莽一賦哀江南山川有淒響龍蛇驚世變猿鳥樂吾黨藥草可攝生尋之踏葉往翠微人不逢松石意誰賞

題管平原柳塘漁隱圖

一幅艾陵湖畔水煙波不寒寒在紙小樹陰淡大樹濃鷓鴣閒立塘前風過橋茅屋幾家住漁女漁兒待阿翁阿翁得魚苦無酒欲與山妻謀一斗踏月攜歸貫之柳

舟發邗上二里許河路擠塞遂起岸至召伯埭買蘆篷

船而行

喧喧終夜聲萬力互爭濟大艘昂然來篙櫓盛氣勢我舟蝨其
間緣縫亦云細奈何排擠之進退兩無計自朝至日昃新婦帷
中閉吁嗟楸局寬肯受一著制回頭彼岸登事在用吾銳嚴關
戒近裝古埭緬遙霽同此一葉舟帆檣各天際搖搖霜滿篷夢
傍秋雪繫

魚溝大風

一塵纔動卽風埃輪轉空中往復回夕照亂翻鴉影去寒聲直
捲馬頭來黃河外壯魚龍蟄赤地災深草木哀祝汝好吹如掌
雪前村宿夢已根荄

嶧陽值霰頗有雪意

枯麥朝來氣欲醒天催急霰灑郊垞烟光到樹水先白雪意在

雲山轉青破屋幾家挑酒幟寒聲一箇風車鈴行人最憶江南
樂竹壓篷窗擁被聽

旅述八首

入洛素爲緇踰淮橘化枳哲人觀其微君子葆厥始十年桂玉
炊辛苦長安市乞歸賦采蘭力不贍甘旨語冰未知寒身負夏
蟲耻駸駸歲序晚忽忽去鄉里瓦燈搖一穗夢短茅店裏輾轉
視衾影百念端可已父母勗我辭曰敬此心矢

我身有僕隨我車有騾駕欲求老境甘噉此倒食蔗芰荷製初
服著之旋復罷形骸任我殺無計使自暇行行重行行日夕未
休舍白草風蕭蕭大野牛羊下

驚風捲黃沙浩浩來西北白日無晶光長空盪寒色馬毛如蝟
縮僕夫亦僂踣逆旅何主人肅我牛宮側蒿床無上下煨火易

爲德空林有困禽饑聲唧唧扶搖九萬里始信大鵬力
蒿目不可望中心忽如悵今年旱太甚赤地連東南淮徐青宛
交民困尤不堪榆柳無完皮炊糜爲之甘小弱棄可憐流亡半
丁男肌骸委道路掩袂驅我驂相逢長民吏惻惻陳再三桑女
守空筐坐視饑死蠶咄哉書生願人云老生談
於穆我

后德民計惟先臨軒發帑警煌煌詔令宣大吏而入告
議賑復議獨大吏不入告慮周其未然截漕數十萬紅粟逮市
廩采買及閩楚黃旗插江船奉行有不力厥惟長官愆請告爾
民聽爾無苦顛連新陽回墊塲同在春風天且食官廩粥明年
樂豐年

緼袍已不煖苦念他人寒骨肉遠千里徒爲道旁嘆家貧四壁

立一味留儒酸區區反哺心淚咽遊子餐夢中返故鄉妻孥慘
不歡醒來驢背上樹捲風聲乾路長不能短帶急不可寬山川
鬱莽蒼四顧愁無端何人望北斗中夜憑闌干

有弟復有妹弱齡共遊戲筆墨學塗抹機杼竊創置十年分雁
影望斷雲外字昨歸喜合并忽復灑離淚江湖信多阻歲晚益
顛顛定知團圓日憶我獨異地顧我諸兒女那不阿父議吾家
阿漣慧種種解人意聽罷輒效之是我小時事

種秫七百石栽桑八百株此事非易辦矧敢問有餘營與沈侯
論梅但請營一區有竹蔬可筍有池有可魚二者吾所欲斟酌
良不疎我今困儒官苦乏升斗儲君亦作宰去每食懷田廬松
根鬱霜雪菰米漂江湖出處有前定本末無異趨一勉加餐飯
再勉慎起居

晚至趙北口宿

半迷衰柳半寒葭一路平橋接望遐
凍浦星低魚罟靜壞簷風
哨酒旗斜井蛙局縮人徒鬧
澤雁零丁我正嗟夢醒天涯還淚
落不知何處響琵琶

有正味齋詩集卷八目錄

錢塘 吳錫麒 聖徵

泥爪集

題陸丹叔侍郎

費輝

夢中讀畫圖卽次原韻送其乞養

還嘉興

送汪龍莊同年

輝祖

之官寧遠

半村老人蘭亭模本

并序

王文成公奏疏草稿真跡翁鳳西同年

元圻

屬題 并序

寄賀項秋子生子卽次來韻

題陳柳樊同年

人驥

烟波泛宅圖卽送其之官蜀中

秋懷詩四首

錢擇石侍郎

載

何春渚布衣

黃相圖上舍

羅兩峯山人

奉命熱河校書皇諸同人二首

晚至清河

再宿清河旅店舍次壁間韻

白河澗

南天門

古北外迤南一帶羣山秀峙松栝特盛

喀喇河屯對月

白馬圈子至常山峪

廣仁嶺

灤河大雪約潘毅堂舍人有爲宋芝山廣文同作

寓齋感懷

出塞篇

同芝山步磬鍾峯下

熱河雜詠十六首

同芝山飲郭參軍宅

晚至喀喇河屯

黃土梁

青石梁

晚過白河澗

雪後望塞上諸山

過牛欄山下作二首

校書歸戲東毅堂

哭芝軒同年

瑞保

二首

送沈吉堂同年

丙

出守銅仁

效老杜諸將五首

晚春絕句

壺盧學士歌

尋萬柳堂故址

錢武肅王鐵券歌同繹堂

那彥成作

薄寒

咏白芍藥

草橋

雨後過陶然亭

訪秋雜句三首

優孟諸

悲臺城

雨霖鈴曲

清涼居士

醅萊

朱芝山仿梅花庵主溪山無盡圖葛雲峯同年

鳴陽屬

題

八月杪乞假南還別諸同好

天津訪李載國明府

符清

酒間感賦

津門雜詠六首

楊柳青

光嶽樓

淮陰夜泊

題友人華嶽雪開立馬看小照
京口

有正味齋詩集卷八

錢塘 吳錫麒 聖徵

泥爪集

題陸丹叔侍郎費堉夢中讀畫圖卽次原韻送其乞養

還嘉興

不是瓶山便甌山山前山後水回環西風黃雀孤帆健斜日烏
犍一笛閒奉太夫人身許乞望春波里夢先還江南此去真如
畫吟徧荷花紫艸間

送汪龍莊同年輝祖之官寧遠

我讀雙節傳涕泣感母慈含荼撫孤雛作父兼作師至今進士
君文采光陸離長安冠蓋地人爭仰容儀今年謁選來捧檄色
不怕乃以二母故云抱終天悲君悲信無已我送亦有詞古來

孝子行但求名勿顧讀書稟遺教要就根本窺一編活民書乃是昔所治鞭撻誰不能惟當念瘡痕春陵古時縣營水分一支扁舟越零陵遙望峯九疑西風帝子廟颯颯斑竹枝飢猿啼晝寒慘似青燈時製兒胸中錦念母機上絲所學果不負白水能鑒之明年湘中謠換唱甘棠詩循良奏上考庶慰地下知云矣衆人毋勉哉節婦兒

半村老人蘭亭模本并序

老人姓陳名王謨字朗行號半村錢塘諸生與先大父爲僚壻所居東園饒水木之趣工書法逼近晉人余幼時多仿寫之今老人下世且數載矣令子熙臺表叔書與余同居長安出示此卷并索余作展視一過不禁泫然時丙午十一月朔越四日蘭亭記自王右軍今不異昔視此文龍跳虎卧復紙上半村老

人書有神老人騎鶴去已久修短隨化嗟何云卅年舊事我能
記橙花老屋開新春我祖娛賓呼我出月明照見鬚如銀我時
三尺立公側梨栗與喫情尤親索觀我字醜可怕却肯妙墨書
半裙臨摹到今無一得空念勗我詞諄諄花開花落淚頻灑撫
卷欲染淋漓痕公今有子寶斯本十年傳視余慚孫天涯悵望
墳墓遠咫尺幸喜精神存弁山旣免厄風水玉匣豈虛終埋湮
故鄉老輩跋尾徧攜來更踏長安塵晨朝深雪北風冷薑芽歛
手題何人巧偷豪奪不可料但防缸面酒邀君

王文成公奏疏草稿眞跡翁鳳西同年元折屬題并序

疏稿作於平思田土夷時按嘉靖六年思田二府土酋盧蘇王
受反詔起公總督兩廣兼巡撫及赴南寧蘇受遣使乞降受之
時侍郎方獻夫建言宜於田州設都御史一人撫綏諸郡公因

上此疏具言蠻夷不可治以禮法因舉右布政林富量收意職撫循蓋在七年二月旋用林富率蘇受兵破斷藤峽猺賊闕地數百里厥功甚鉅時公已病甚是年道卒南安此爲最時年筆也

三十九行字壓紙六百餘言言洞髓思田初清計安復仁心扶出良知理賣刀買牛疏所云萬七千人俱赤子蠻夷未可禮法繩何必特設都御史付之林富治有餘從此南人不反矣斷藤峽口唱賊來王受盧蘇皆効死公之誠信感草木公之文章貫經史南安一夕大星隕離此疏纔數月耳飛鳶跼跼伏波嘆公亦行師適於此

此疏公在梧州時所上梧州府志卽馬援所云仰視飛鳶跼跼水中處

慧以明珠徒有謗蚍蜉

撼樹何須訾千秋論定信完人彼哉桂萼徒爲爾讀罷憑欄望

斗杓一碑遠更廬山峙

寄賀項秋子生子卽次來韻

四十年前君襁褓今且四十頭顛膝前尙無襁褓物年華過
眼同吹烟君嘗自嘆吾亦惜此話記在前年前兩年思君雲樹
隔求一夢見如登仙荻苗水上秋正好鯉魚躍出清冷淵書來
報我弄璋喜喜君從此天倫全白頭二老有孫抱刲羊趣辦彌
月筵酒香淋漓溢戶牖何三齋笑九生鐵同招延酣呼捉醉樂莫
樂侈說跨竈賢乎賢阿翁故是斲輪手厥子那不算裘傳前飛
一鳳後者繼其餘鸞鶴來翩翩來詩云何況次妾又懷
半緣共正恐生聯翩結隣有約我將
反崢嶸頭角看他年尙須償我湯餅債破費三百青銅錢

題陳柳樊同年人驥烟波泛宅圖卽送其之官蜀中

君不須念西子湖亦不用憶張翰鱸作官正要以水鑒日日清
流看此圖此中不必有魚釣但求養活千百魚頗聞巴蜀賢長

吏料理百姓非區區蒲鞭不試官課了閉門莫識吏與胥送君
此間作宰去可以讀律且讀書百錢一飯食不盡黃雞肥美兼
花豬明年孺人挈雛至官齋便是君家廬月支廉俸幾百索比
較修脯豐何如弦歌正好助文字瓜果詎肯通苞苴海棠花底
放衙罷但有詩值千明珠烟波百尺錦江好三十六鱗煩寄余

秋懷詩四首

錢蔣石侍郎

載

千詩盤鬱此胸襟長水侍郎才調深老作江湖耆舊長情兼騷
雅美人心月波酒好沽無盡鶴潛梅多畫不禁兩扇烏篷搖曳
去扣舷能唱水龍吟

何春渚布衣

小山居畔識煙蘿枯樹灣頭剩釣蓑遊子飢寒歸日少酒人涕

淚古來多沙鷗水國思前約木葉秋風冷素波懷友思家渾似
我年光客裏惜蹉跎

黃相圃上舍

廿載琴臺久不遲文章爾雅是吾師枯桐爨急才人泣破硯秋
荒季女飢南渡江山能數典百年耆舊待編詩菰蘆此土猶淹
滯鐵網滄波欲待誰

羅兩峯山人

壽門墓上已蒿萊弟子揚州有使才野格自高天際鶴繁枝亂
插畫中梅三久明月詩懷瘦萬點寒蛩鬼趣哀兩峯所畫鬼趣圖奇絕有約
重來吾不負竹西亭館共深杯

奉命熱河校書呈諸同人地首

薊鎮山川輦路通校書人出五雲中雪明不眩生花眼風勁

先收掃葉功從古文章今日盛卽看甌脫一家同毛錐真笑儒
生技闕歷邊關氣自雄

擊鐙高吟勅勒歌傲裘十月渡灤河印泥爪冷愁鴻雁出塞裝
輕健駱駝字食神仙能腹飽熬然太乙卽春多天邊津逮真
難得閣下今來響玉珂

勅建藏書四閣熱
河爲文津閣

晚次清河

嚴冬事行役日暮前路長寒沙合大野但見衰草黃征夫急鈴
鐸野老驅牛羊貴賤紛異營勞瘁分法各償十載居承明役役
徇文章曰中本精粲所愧缺簸揚道途困飢飭煮字難爲糧誠
或老馬智努力趨燈光小市門未掩甕觚飯亦香夢魂今夕穩
土鏗與蒿床

再宿清河旅舍次壁間韻

有客信信河之濱明月欲出光如銀怒潮在壁驢齧草寒豹隔
村犬吠人刀頭空自望破鏡車脚那免爲勞薪一燈照我耿無
寐但覺僮僕今宵親

白河澗

一重一掩山合圍客來亭午已夕暉天風怒號萬竅響寒翠欲
墮空無依中間一澗受厓束凍澀細聽流聲微蜿蜒狀似玉龍
卧鞭之帖帖癡不飛想當盛夏水暴漲領下百斛翻珠璣流行
坎止有定理歲寒卽是陽春幾森森大樹閱千載葉縱脫盡根
猶肥其旁約略幾茅屋但架白木開雙扉樵歌唱入深谷去牧
笛聽自前林歸心孰冷趣亦奇癖眼見畫本皆真機攀頭插天
峰起密雲脚立地人行稀天門咫尺可以到去振千仞岡頭衣

南天門

詠蕩天門接九重丹梯列級闕鴻蒙五雲縹緲勾陳衛一棧蒼
茫箭筈通空響飛來鸞鶴奏濁埃捲過馬牛風蕩濡水怡明林
外挂落銀河百尺雄

古北外迤南一帶羣山秀峙松栝特盛

我行趨而東朝暉射我西羣峰對面出雲氣高不低其下覆松
栝寒重翠屢迷殘雪時一片皎若孤鶴棲茅屋四五家樵汲相
提携風吹斧聲墮林約炊烟齊不謂塞上山有此物外蹊冥冥
若相繫跡往神爲稽

喀喇河屯對月

羣峰高處涌銀盤照見征人此卸鞍千里雁無鄉信到一般月
在塞垣看茅茨歲熟人情好苜蓿風乾馬色寒莫對清光感孤
寂回頭原不遠長安

自馬圈子至常山峪

地險不可越客情悄然孤寄身螺殼中輾轉相縈紆逼仄就埃
窹陰幽慘栗膚疑經太古來寒氣尙未蘇長風石脇破白日烏
尾通身凜蕭蕭爲心駭神鬼驅當進窘咫尺得上爭須更萬象
倏開豁縱目生歡娛樓臺現縹緲星斗捫虛無鞍馬且將息前
途仗撐扶僕夫吻更渴急昇村酒沽

廣仁嶺

磴道暝逾滑行人到欲迷松聲吹水入雲氣壓山低粉墨添蕭
瑟輪蹄判阻躋思當未開鑿此險若何梯

樂河大雪約潘毅堂舍人

有爲

宋芝山廣文同作

前飛駕鵝後飛鵲毛羽漲空吹不滅寒光昨夜射紙窗如挂邊
墻古時月羣山莽莽西北來玉立朝天森萬笏色相迷離粉墨

圖蓬萊晃漾金銀闕不辭沽酒斗十千曉出搖鞭醉兀兀坡陀
十里迷起伏翻動銀杯馬蹄滑翩然自訝白鳳騎歸去真思紫
皇謁瓊壺跳入人不知日極中原青一髮回頭忽墮浮雲中此
身尙恨非仙骨禽飢獸凍野漫漫但聽樵歌聲未歇書生豪氣
那足道炙硯且須煨梢柈豐年爲報塞上農預備家家動耕墾

寓齋感懷

萬山冰雪接嵯峨古木陰森夕照過塞夢不知何處遠邊聲只
覺可憐多霜天鴻雁零丁帖酒地琵琶勅勒歌知有故人能念
我歸來恐已鬢絲皤

出塞篇

十月塞草枯蓬勃黃塵起雪送明駝出煎門風驅旅雁過灤水
一綫邊牆接蜿蜒萬峯合省束青天關通古北盤迴迴地勒中

原控制先眼中燕領看俱貴那不馳驅奮豪氣角聲吹入小單
于戎幕趨陪大都尉直上高臺望夕陽暝鴉歸處接蒼茫遠連
嶺埃包元菟近畫河流界白狼立威聞道須膠折滿地霜華露
初結黃閒漠朔共防秋黑騎漁陽羣浴鐵豆剖瓜分幾代休徒
教廢壘至今留爭來甌脫熊羆老奪却燕支婦女愁征人到此
歸難計歌罷陽關先隕涕握手空煩勉故人封侯最悔教夫婿
亦有經營號上都曾從徼外闢天衢九邊三衛樊籬設別院離
宮金碧鋪一朝事去繁華歇轉燭光陰驚倏忽可憐雀凍紇干
山可堪馬飲長城窟卽如明季重籌邊高築金墉萬杵喧自擬
狼胥封有日誰知燐火照成煙遺民慣說滄桑話太息家居徒
撞壞銜石翻勞精衛填負恩竟忍盧龍賣天心爲轉太平年路
指康莊喜欲顛豈有烽烟煩北顧卽看牛馬盡南眠甲兵淨洗

民蒙福往日僑居今聚族小娃對月唱刀環老卒犁田逢箭鏃
中外遙通總一家此焉清暑荷

恩賒雨添綠護宮門樹露漬紅鋪輦路花朝天萬笏峰先矗如
待羣仙開繪幅凌雲司馬賦長楊乘傳終軍對奇木順時行獮
奮威稜壑谷焱生士氣騰躡跡松根槍殺虎擒生草裏臂鞬鷹
三驅禮畢川原曠千里暮雲回首望宛馬蹄翻苜蓿風天鵝響
落琵琶唱玉几中陳面翠屏蒙宣曲宴

賜彤廷名王伏地山呼答廣樂鈞天

帝所聽冥冥更似神靈會松栝凌空聳旌旆峰頭俯壓鳥身低
岡脉東蟠龍氣大我朝能以德守之長垣乃是心所治一鳴
但撫伊吾劍百宿行陳槃木詩書生不爲從軍出兀兀搖鞭去
何疾少歲多應慕棄繻雄心今豈思投筆築閣凌虛萬卷儲早

占

文教被穹廬願隨石匣峰頭月來讀人間未見書

同芝山步磬鍾峰下

松風生峭寒拾徑憚樵步不聞清磬聲雪滴斜陽樹

熱河雜詠十六首

萬峰紫翠互盤迴歲歲曾經玉輦來麗正門開初日照五雲

端裏現蓬萊

避暑山莊南爲三門中麗正門東德樞門西碧峯門共東及東北西北門各一

東齊西晉客程通關稅無征襁負同噓煖不煩鄒子律萬家烟

火畫圖中

熱河地甚寒無土著多山西山東流寓者近以人烟寥集寒亦漸減古北口但議察往來無稅

三川滙合足烟波武列淵源注不訛留與經幢照奇字磬鍾峰

上夕陽多

塞外同都爾呼河茅溝河賽音河卽三藏水至溫泉瀝流之後始之曰熱河卽道元水經注三藏水又東南列谿謂之武列水東南歷石挺下挺左爲山之上南

孤石雲舉臨崖危峻可高百餘仞按武列水卽今熱河石挺指磬鍾峯也峯則石挺一橫原泃幅②四字不知何時所建說文原古戶字③爲武壘所造日字係二字無考

探鼻無煩雪作團今年暄暖萬民歡

君恩亦與溫泉似流到人間總不寒元楊九平灤京雜詠注凡京耳鼻即其
雪揉之方同近火則脫溫泉源出豐字

縣百浴池在泉側
其水東遠入灤河

官殿千秋 儉德傳不施丹雘任天然 堯階迥在層霄上畫

出松雲一片圓山莊制尚懷素無丹雘之飾尤多喬松諸勝景之以松多者若萬壑
松風松鶴清越及松聲閣樓松霞室松雲樓松巖亭就松雲其尤著也

瑤花天上散紛紛葉落長松挺瘦身頑石也成羅漢果雪山面

日本來真落葉松松葉杉身生五臺及口外興安之地秋冬凋落與凡木同
羅漢峰一名彌勒峰在山莊東岡樹曼衍望之似人趺坐坦腹

聞道秋風壯塞垣衣冠此地會名藩照人齊化光明燭萬丈燈

輪萬樹團萬樹團倚山而漸自西師藏後 錫宴觀
燈馬枝皆在此 御製燈詞情極其盛

火種刀耕歉歲無炊烟一片動斜暉尊前風味人人說秔稻登

場黃鼠肥開外多黑山為田刀耕火種黃鼠為山前奇品見
楊元字山京雜詠味極肥美元時曾為玉食之獻

月黑腥風一道路旁吹折幾枝松明朝好試飛鎗手一路寒

山躡虎蹤

蒙古謂爲巴爾圖今承德府屬境內之山多有名巴爾圖者以虎得名每歲駐蹕山莊常命虎籍人殺虎

僧冠著絮白雲

以五指懸槌輪相存忽聳雙尖更奇絕大峰祖

塔小峰孫

僧冠峰承德府南形如毘盧覆頂土人以雲氣聚散占晴雨之驗五指山在府東南五峰峭崿如五指雙塔山在喀喇河屯東北大小二峰矗立百餘丈

如宰堵波而下相亞其峰中間三孔表裏通明

林間俊鶻怒毛

罇枯木寒烟畫裏論何似白翎彈一曲琵琶絃

上黑河翻

元一統志遼州土產鶻陶宗儀輯耕錄白翎雀主於烏桓朔漠之地雌雄和鳴自得其樂世皇因命伶人頌德間製曲以名之楊光字漢京雜詠白翎隨馬叫

晴空

新春白粲玉漿

含宿醞紅泥乍坼曇鮮鮒無鱗磨釘地未須鰕

菜憶江南

山莊產白菜色純潔味甘性膩其種得於烏喇樹孔中熟潯土酒味薄惟越酒市中又有之價亦與都中相準澤河鮒有斑無鱗食品中最美者磨菇形如

猴頭者及號曰口蘑又曰營頭磨菇元周伯琦上京雜詩曰函出沙中美

皮褥山紬物價

諸兔肩鹿尾市門排一條軟繡差堪擬深夜籠

燈買賣街

熱河出馬皮茵褥毛色淺深相間燦然可觀山紬產建昌縣熱河市中多販之買賣街在山莊西最稱繁富南北雜貨無不有

丁丁響未斷樵風木炭燒成脆似銅 恩被儒官皆挾纊煮茶

香裏地爐紅

宋王曾行程錄原谷中多以燒炭爲業元一統志大軍路產木炭焚壘外多剽故爲炭較易所產視內地爲佳此次校書者 恩給炭火若飲

凍梨含味妙于回巴欖良尤號果魁剝出勻圓榛實好不愁楊

腹厠羣材

楊允孚梁京雜錄註梨子受凍其堅如鐵以井水浸之味回可食又詩杏子何如巴欖良注杏子巴欖皆果名元一統志榛子大卑土產大壘山皆有之俗云

十榛九空惟此處不爾查慎行詩錫頭刺玉差相似餽餽曾無一顆空是也

興桓左界接崔嵬想見羣山紫邏開可惜不曾隨豹尾霜風盤馬白龍堆

同芝山飲郭參軍宅

塞上休驚歲欲殘此懷浩蕩酒波寬蟲魚飽眼消忙日燈火關心稱冷官
厨幕狂呼蒼鶻戲皮絃豪激白翎彈歸途如入梅花夢雪樹模糊醉後看

晚次喀喇河屯

邊色起黃昏羣山似陣屯馬蹄穿石角虎跡躡松根漸近村前面初高月一痕地爐紅更好腰腳藉溫存

黃土梁

斜日照行客一鞭歸鐙敲陂陀望若平寒雲注虛坳石骨陷其裏周以積土包荒怵真虎慘慘橫瘦蛟登頓亦已疲睖然見衡茅年豐畢婚嫁少婦方垂髻晴檐理針線念將新歲交感我勞者唱詎免居者嘲

青石梁

樵風忽飄飄吹我就石脇來途所熟經寒氣迫之狹接天一握孤入地萬脚插欲飛不飛勢預恐頂上壓行路敢辭難在險未可狎遠村烟火微落日僮僕乏層巒如趁人雲際猶爰業

晚過白河澗

樵童一扇啟柴扉又見征人策蹇歸雪水暗通幽澗活風鵲亂
帶夕陽飛長成峭厲峰原健領畧高寒樹不肥寫我紅衣圖畫
裏只須添箇釣魚磯

雪後望塞上諸山

餘雪破崢嶸萬象窮畫祕數峰矗長空點染出松翠一峰悄然
孤雲寫不了意樵扉半扇開茅屋幾間置微微界積溜颯颯送
遙吹白鳥自去來矯若逞寒媚陰陽鬱磅礴粉墨恣游戲迴接
霄漢間俯我策一騎須臾斜照收風冷不可避回首隔蒼茫烟
深膏如睡

過牛欄山下作二首

邊關迢遞接風烟日日征蹄犖确穿行到牛欄山路穩第三峰

下轡歸鞭

一株老禿賸枯楊幾處牛宮
非土墻歲晚牧兒無箇事太平吹
笛同斜陽

校書歸戲東穀堂

雲中傑閣仰鬼裁手抱琅函日日過名士不如灤鯽貴奇書爭
得塞山多十行誰是無雙眼萬卷難求畫一歌時總裁意定草程
專求畫一故云歸路
惹教彌勒笑羣公似我腹空皤

哭芝軒同年

瑞保二首

乙未同官人四十玉堂高會盡仙才不堪舊雨如星散又入新
年哭友來爆竹碎心千箇響名花無果一場開東風似此淒涼
甚容易尊前白髮催

夢回不道隔重泉淚自潛然意惘然衆口稱賢寧獨我此人早
死欲疑天功名綸閣成千古桃李春風又一年

丁未會
試總裁

大佛街前

重回首可憐喬木冷寒烟

送沈吉堂同年再出守銅仁

清歌夜散故人筵五馬前頭玉節傳春遣鶯花開驛路山迎笳
鼓入蠻天吟詩燈暗檳榔雨賣劍民耕木笥煙燕市酒徒勞記
憶寥寥同榜十年前

效老杜諸將五首

蒼茫極目駭波翻春色無端阻海門
早俾繭絲懲尹鐸豈容霧市隱孫恩齊驅草木風聲厲直走蓬瀛蜃氣昏
六十年來太平地忍教臺笠變軍屯

羽書遞到隔重洋太息椎埋禍久藏
物盛禾終防莠茁獄成李轉代桃僵
乍醒醉夢悲猿鶴誰激冤號變虎狼
莫共胡僧談劫諸公先自費平章

崔符意敢逞縱橫赤白丸探勢漸成壞郭一旗支義旅凶門數
日殉書生雲呼風嘯空拳搏地棘天荆戰骨撐幸喜紙鳶消息
透解圍重見伏波兵

纔報前軍渡習流早看兵氣奮貔貅雪深正好擒元濟風利何
須泊石頭入穴此時如破竹據橋有將獨橫矛麒麟閣上當年
事依舊平南仗故侯

是役也福安海蘭察皆平金川圖光問者

凱旋一路旆飛揚補救還資善後方小吏要嚴狐假虎長官莫
信馬如羊風雷容易么麼制門戶艱難罅隙防但願游氛從此
掃平波不動海天長

晚春絕句

池塘昨日科斗生池塘今日蝦蟇鳴轉眼流光太容易綠陰門
巷看新晴

壺盧學士歌

酒家造酒壺子用大壺盧爲身上塑頭面飾以冠巾號曰壺盧學士瘦銅作歌邀余同賦

楞然之腹皤然麤大瓠五石安用乎稱以學士毋乃諛哆然笑
口開胡盧醉鄉清悶仙所都日月跳擲壺非壺就之空洞一物
無容若輩可什百俱錦袍自合白也呼鐵牛亦許陶家摹玉堂
人物德不孤晝之依樣皆吾徒不知我者憑揶揄能知我者邀
歡娛北風吹雪瓊囊鋪登登街屐人來沽一帘坐對青模糊梅
花插帽香在爐非唐非宋忘故吾不姓不名彼丈夫胸中徑欲
吞江湖頂上那得澆醅醕一官匏繫且其吁歸興已約尋菰蒲
春山鳥喚提葫蘆學士醉倒吾其扶

尋萬柳堂故址

雲物易變滅亭臺安可論寒風振高木落日棲平原樵牧跡久
荒觴咏情孰敦屢撫舊時柳默默交意存枯心旣失榮老髮亦

已髡仰面看飛鴉歸市墨點繁畫圖如昨夢冥色搖煙昏古今
不相及獨立嗟何言

錢武肅王鐵券歌同

繹堂 那彥成作

江上潮秋風來陌上花春風開秋來春去六百載衣錦城空老
樹灰此券乾寧四年鑄前繫官階後駢句恕卿九死子孫三金
版煌煌叨異數聖主萬歲臣一心此心亦願鑄如金三世四王
州十四可惜開門節度使西湖花鳥夢蒼茫我是杭人感澤長
表忠觀裏尋碑讀絕勝區區鐵一方

薄寒

高樹夕陽去薄寒花發無微聞一鳥語獨抱孤琴俱芳草小庭
長蟄蟲前日蘇鄉書來鄭重只話故園無

咏芍藥

一曲新詞唱解紅萬花高會素心同擔來清曉豐臺月洗盡浮
華鄭國風味可被禪情不淺春當婪尾色先空膽瓶相對渾如
水珍重頻教下綺櫳

草橋

偶與野趣會適此物外蹤孤懷寡所豫魚鳥性亦同煙波若爲
招徑轉畧約通人家在樹裏深綠門前濃稍覺麥氣寒已是四
月中閱候良易感賞心殊未弱斜陽上林杪遠寺來疎鐘微微
生夕陰颯颯聞水風蘆開如有人風定人不逢溯徊倘相許浩
歌吾其從

雨後過陶然亭

步屨極閒趣一亭山雨殘風行蘆葉響人坐麥秋寒鐘鼓寧妨
靜烟波不在寬祇餘懷舊意生怕倚欄干

訪秋絕句三首

出門無數亂雲橫
秋士悲秋苦調成
我有國風君子慕
古愁先爲草蟲生

豆架瓜棚暑不長
野人籬落占秋光
牽牛花是隣家種
瘦竹一莖扶上墻

燕子飛飛秋稌前
廣渠門外半寒煙
短條未盡長條盡
辛苦垂楊又一年

優孟謠

衣冠抵掌來王前
噫孫叔敖不見今
幾年今得見之願
舉國以聽高賢王
誠知叔敖賢不知
其子破帽赤足衣
後穿風風雨雨薪
一肩請王聽我歌
我歌未發聲吞咽
貪吏不可爲金銀
之氣上塞天魚游
沸鼎心煩煎廉吏
不可爲不見孫叔
敖生時不能

名一錢沒後其子朝不得食暮不得食願隨阿父遊黃泉王今
欲相臣臣恐妻覓聞之涕泗漣今日孫叔敖猶有優孟衣冠抵
掌來王前明朝王死誰人憐

悲臺城

皇帝菩薩佛寺居頓首頓首三答書一億萬錢纔贖得袈裟十
里送鑾輿君王祈佛須祈福不料興亡如轉燭御殿花迎狗子
紅臺城草上龍衣綠五代荒淫二百年蕭梁文物亦成煙金甌
破碎無完局賊在江山佛在天嗚呼蕭老公捨身竟何益能武
能文豈不賢自成自敗真堪惜雨花臺前花雨春石頭城邊戰
血新君自召禍非他人賀雅疏佛亦頌荷荷聲佛不聞

雨霖鈴曲

一滴一聲鈴自語吹來梨樹橫邊雨棖振惜惜復何云咽咽妻

裴君獨聞哀音付與王徽記絕調如呼奈何帝弟子梨園今日
煙琵琶天寶他年淚我欲終此曲此曲聲何長三郎三郎太郎
當天荒地老情茫茫安得再唱荔枝香何況聽風聽水譜霓裳
但聽南內無人夜感樂秋高更斷腸

清涼居士

中興名將真英雄錦衣驄馬稱相公西湖一角殘山水攜酒騎
驢號居士南山北山往復還晚風吹透刀箭瘢歸來山月照孤
夢夢中猶念龍沙寒心頭念念憂胡廟如此清涼初不料鐵棒
看人地下熬金牌恕我軍中召滿眼風花不當春閉門借隱最
情親一聲戰鼓黃天蕩同是今朝白首人

醃菜

刷來野圃帶泥香百蓄經冬料理忙風雪光陰如有約酸鹹者

好未能忘酒人燈下頻頻索笋事江南恰恰償食肉我知無骨
相不愁夢訴蹴蔬羊

宋芝山仿梅花庵主溪山無盡圖葛雲峰同年鳴陽屬題

紙如欲濕決決泉墨所不著冥冥天天光襯出山四面皴染都
若凌虛然山根架橋橋白木橋外短樹蒙蒼烟秋寒如此夕陽
落近岸已泊歸來船行行一老童隨肩一老相候柴扉邊松花
滿塢酒應熟把錢共話青山緣松毛之屋我能住買山只少青
銅錢吾家仲圭梅花仙墨妙欲到荆關前後而企者四百年亦
復摹此神完全卧遊且作溪山夢老木丹黃認一椽

八月杪乞假南還別諸同好

通潞亭前水縠紋招招舟子鴈聲聞朝衫秋冷三更雨親舍心

懸一席雲放溜爭如魚逐隊分襟可惜雁離羣菊花酒送還鄉去幾個詩人醉夕曛

天津訪李載國明府

符清

酒間感賦

蹤跡頻年鴈影過相逢那惜醉顏酡分流黯黯丁沽水舊感茫茫子夜歌題罷新詩桐葉老飄來殘淚燭花多一尊預作重陽會風雨明朝奈別何

津門雜詠六首

蘆雨生寒鴈下汀津門秋色好揚舲片帆疑挂銀河水來向天

邊看女星

女星上有天津九星其號廟者小直沽故曰爲名

角飛城畔草全荒豆子甌邊半夕陽一陣風腥肩販出魚鰕爭趕曬鹽場

日出扶桑雞子黃漂榆大賈卜開洋天妃廟裏燒香去蝴蝶一

雙飛上檣

枯荷瑟瑟風吹涼人道花時水亦香
七十二沽尋夢到那尋七

十二鴛鴦
郎去蘆臺柳又秋妾居柳口望蘆洲
柳絲若綰郎心住願守蘆花共白頭

西浦清歌罷采菱北斜暝色又收簪
一星欲滴露初白涼殺前沽捕鱉燈

楊柳青

簇簇人烟散市餘蕭蕭古驛卸帆
初秋陰欲暝去爲雨寒漿若飛來賣魚客過析津添日記田經吳下課農書

夫津自開江應於傳得江南海法始種稻得

光嶽樓

登臨人在古聊城樓上平看岱嶽橫曉日闌干浮海色高原草
樹走秋聲拓胸勢據齊州大照眼波縈汶水明望極蒼茫寒氣
逼已知觸石有雲生

淮陰夜泊

人語出烟中江南吾到矣孤帆遲不發延佇新月起窈窕展微
光清淮相映美冥想前浦寒淪漣風未已蘆謳激荒波漁火動
空水誰歆千金贈徒喟一臺峙鱗潛期自葆羽健亮安恃喟彼
年少心光陰閱墟市幽谷薜蘿深寤歌待之子

題友人華嶽雲間立馬看小照

嶽色洗清秋夫高白帝旒雲端孤騎立雨氣萬松收玉女迎眸
笑黃河繞足流蓮花如可折爲我贈丹邱

京口

北府兵何在南朝跡已空
天晴瓜步樹潮響
赫山風雙髻蕭條
甚千秋感慨同
滿江衰草色寒入寄奴宮

有正味齋詩集卷八終